



Broj: 05-6559-15/24
Sarajevo, 29.04.2025. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-6559-14/24 od 24.04.2025. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

I Stavlja se van snage Odluka o izboru najpovoljnijeg ponuđača, broj: 05-6559-7-3/24 od 19.04.2025. godine.

II Na osnovu Zapisnika o pregledu i ocjeni ponuda, broj: 05-6559-14/24 od 24.04.2025. godine, Ugovor za nabavku usluga obaveznog osiguranja motornih vozila i kasko osiguranje motornih vozila za potrebe Agencije za bankarstvo Federacije BiH dodjeljuje se grupi ponuđača „Triglav Osiguranje“ d.d. i „Sarajevo osiguranje“ d.d. Sarajevo.

Član 2.

Ukupna vrijednost ugovora iz člana 1. stav II ove Odluke utvrđuje se u iznosu od 24.533,00 KM bez uračunatog poreza na dodanu vrijednost (PDV).

Član 3.

Nakon sticanja uslova Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

O B R A Z L O Ž E N J E

Odlukom o pokretanju postupka nabavke usluga, broj: 05-6559/24 od 06.12.2024. godine, odobreno je provođenje postupka javne nabavke usluga osiguranja radnika i imovine za potrebe Ugovornog organa. Javna nabavka provedena je putem otvorenog postupka, podijeljena na 3 (tri) Lot-a, a kao kriterij za izbor najpovoljnije ponude odabrana je ekonomski najpovoljnija ponuda.

U skladu sa članom 35. Zakona o javnim nabavkama, Obavještenje o nabavci broj: 3010-1-2-341-3-78/24 objavljeno je na Portalu javnih nabavki (www.ejn.gov.ba) dana 17.12.2024. godine, a sažetak Obavještenja o nabavci u „Službenom glasniku BiH“, broj: 90/24 dana 26.12.2024.godine. Procijenjena vrijednost predmetne javne nabavke utvrđena je u iznosu od 60.000,00 KM, bez uračunatog poreza na dodanu vrijednost (PDV), dok je procijenjena vrijednost za Lot 3 utvrđena u iznosu od 38.000,00 KM bez uračunatog PDV-a.

U skladu s Rješenjem Ugovornog organa, broj: 05-6559-2/24 od 31.12.2024. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje Zapisnika o pregledu i ocjeni ponuda, te davanje preporuke Ugovornom organu za donošenje Odluke o izboru najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda za Lot 3, broj: 05-6559-6-3/24 od 17.02.2025. godine, u kojem je konstatovano da su u predmetnom postupku javne nabavke blagovremeno pristigle ukupno 5 (pet) ponuda.

Na Odluku o izboru najpovoljnijeg ponuđača, broj: 05-6559-7-3/24 od 19.02.2025. godine, dana 06.03.2025.godine, zaprimljena je žalba od strane društva: „TRIGLAV OSIGURANJE“ d.d. Sarajevo, broj: 08-2318/25 od 06.03.2025.godine.

Ured za razmatranje žalbi BiH, Filijala Mostar je po osnovu navedene žalbe donio Rješenje, broj: JN2-03-07-1-382-10/25 od 11.04.2025. godine, kojim je usvojena žalba, stavljena van snage Odluka o izboru najpovoljnijeg ponuđača, broj: 05-6559-7-3/24 od 19.02.2024. godine, te je predmet vraćen Ugovornom organu na ponovni postupak.

Komisija je potom izvršila ponovo analizu dostavljenih ponuda, te je na osnovu izvršene analize i ocjene ponuda i pojašnjenja u pogledu kvalifikacijskih i cjenovnih uslova postupka javne nabavke, Komisija utvrdila sljedeće:

- da je ponuda Grupe ponuđača „Triglav Osiguranje“ d.d. i „Sarajevo osiguranje“ d.d. Sarajevo prihvatljive, obzirom da ista ispunjava sve uslove koji su traženi tenderskom dokumentacijom, te da su dostavljeni svi traženi dokazi propisani tenderskom dokumentacijom, na propisan način.
- da su ponude ponuđača ASA Central Osiguranje“ d.d. Sarajevo, „Osiguranje Aura“ a.d. Banja Luka, „Euroherc Osiguranje“ d.d. Sarajevo i „UNIQA Osiguranje“ d.d. Sarajevo nepravilne, obzirom da ne ispunjavaju uslove iz Tenderske dokumentacije, te je prekršen materijalni propis a koje je naveden osiguravajuće društvo bilo dužno poštovati prilikom formiranja ponuđene premije osiguranja u okviru dostavljene ponude.

U sljedećoj tabeli daju se rezultati rangiranja prihvatljivih ponuda prema kriteriju za dodjelu Ugovora, kako slijedi:



Br.	Ponudjač	Cijena	Efikasnost likvidiranih šteta u 2023. godini (G)	Rok isplate osigurane sume (S)	Bodovi
1.	Grupa ponudjača „Triglav Osiguranje“ d.d. i „Sarajevo osiguranje“ d.d. Sarajevo	60	30	10	100

Slijedom navedenog, Komisija je dala preporuku da se grupi ponudjača „Triglav Osiguranje“ d.d. i „Sarajevo osiguranje“ d.d. Sarajevo, saglasno članu 69. stav (1) tačka a) Zakona o javnim nabavkama, dodjeli Ugovor u predmetnom postupku javne nabavke usluga za Lot 3, obzirom da je ista prema ocjeni ponude osvojila najveći broj bodova.

U postupku donošenja ove Odluke posebno su cijenjene činjenice da je Komisija za javne nabavke pravilno i potpuno izvršila ocjenu kvalificiranosti ponudjača, te pregled i ocjenu ponude, u skladu sa kriterijima iz tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka a), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Podnosilac žalbe je obavezan platiti naknadu za pokretanje žalbenog postupka u skladu sa članom 108. Zakona.


DIREKTOR
Jasmin Mahmuzić

Dostaviti:

1. Ponudjačima u postupku;
2. Sektor zajedničkih funkcija;
3. a.a.